

Աշոտի համար, ասում է ժամանակակից պատմիչը. «Ոչ ի հակառակութիւնս ինչ կամ ի կոխու ընդ թշնամիսն մաքառեալ, քան թէ բարեզգեաց բանիւք եւ բարի օճանաւ ածեալ գնոսա յուղղութիւն եւ ի կամս իւր»:

Այս ողորդ եւ հաշտ քաղաքականութիւնը, որին աշխատում էին հետեւել Բագրատունիները ընդհանրապէս, այնքան էլ զիւրբին չէր: Համակերպման ուղին խիճբեկ է եւ ծանր բարոյապէս: Կորանալ մինչ ստորութիւն բռնաւորի առաջ, ուխտանենդ լինել, եղբայրսպանութեամբ, ուրացութեամբ խղճի ձայնը փեղզել — ահա փշերն ու տատասկներն այն կածաններին վրայ, որ տանում էին դէպի Բագրատունեաց թագն ու գահը:

Մերատի սերունդները, այն Մմբատի, որ դազաններից ահ չունէր, հարկադրուած էին իջնել մինչեւ հլութեան ստորիքը, որպէսզի հոգեկան կսկծոտ դալարումների գնով ապահովին հայրենիքի բարօրութիւնը: Աշոտ թագաւորի հայրը Մմբատ կոչուած է խոստովանող: Նոյն կոչումին արժանի է նրա թագակիր որդին, այն, որ բարձրացաւ դահ Կուրգիկ Մամիկոնեանի արենաթաթախ դիակի վրայից...

* * * *

Մրցակից հոսանքների մէկի յաջողութիւնը յաճախ մոռանալ է տալիս միւսի արժէքը: Միակողմանի վերաբերումն է, եւ գալիս է այն դատաւորներից, որոնք դատուած են կուսակցական շարքերում:

Առաջին շրջանում մինչեւ Սասանեան հարստութեան անկումը զօրեղ էին եւ աղբեցիկ Մամիկոնեան տրամադրութիւնները: Նախաբարական կարգը տակաւին ասոք վիճակի մէջ էր: Տենչանքները կապուած էին դէնքի եւ զորահի շաչիւնին եւ բոլորում էին տոհմական սպարապետների անուան շուրջը: Ընդհանուր համակրութիւնը նրանց կողմն էր: Հայ մտաւորականութեան եւ դրի ներկայացուցիչները՝ Փաւստոս, Եղիշէ, Ղազար, Յոհան Մամիկոնեան, բոլորն էլ Մամիկոնեան տան փառաբանիչներն են եւ նրանց ուղղութեան կողմնակից: Եթէ թերութիւնը դարը յոյսերի եւ համակրութեանց ճօճման ժամանակ էր, եւ այդ դարի պատմազիր Սերէոսը աշխատում է բարեխիղճ լինել եւ անաչառ մրցող ոյժերի հանդէպ:

Արարների հաստատուելուց յետոյ զգալապէս յառաջանում են Բագրատունիք եւ հետըհետէ դրաւում են Երկրի համակրութիւնը: Մամիկոնեան արծիւները, ճիշտ է, դեռ շարունակում են խոյանալ մարտի դաշտերում, բայց երգիչներ չունին: Պատմադիրները՝ Ղեւոնդ, Յովհան կաթողիկոս, Շապուհ Բագրատունի, Ասողիկ գովաբանում են բացառապէս Բագրատունի իշխաններին, նրանց ջատագույններն են:

Այս պատմիչների թւումն է հռչակաւոր պատմահայր Մովսէս Սորենացին: Բագրատունիների դուստնն է նա եւ Մամիկոնեանների նշովիչը: Իր Բագրատունի մեկենասին հաճոյանալու համար չէ, որ գուցում է նրա տոհմը: Պատմահօր անձը եւ կոչումը կասկածի իրաւունք չեն տալիս բնաւին: Սորենացին դադարական հակառակորդ է Մամիկոնեան քաղաքականութեան, եւ սիրող հասարակական անդորրութեան:

Պատմահայրը մեծ հայրենասէր էր. նրա հայեացքը պարտաւորիչ կը լինէր, եթէ վերաբերէր իր ժամանակուսն կացութեան: Բայց ցաւն այն է, որ նոր կչով մօտենում է հին պատմութեան եւ այնտեղից է ուզում հանել Մամիկոնեան փայլուն անունները, ջնջել նրանց յիշատակը: Արտաւազդ, Մուշեղ, Վասակ, Մանուէլ չորրորդ դարի այս չնաչխարհիկ հերոսները, որոնց այնքա՛ն յուզիչ նկարագիրը Փաւստոսի լաւագոյն էջերն են կազմում, չզոյնն համարում Սորենացու մօտ, բայց յիշում է Վահան Ուրացողը՝ Մեհրուժանի ընկերը, հարկաւ, ասանց Սամուէլի, որ սպանելով զաւաճան հօրը սրբեց Մամիկոնեան անբիժ անունը այդ միակ արատաւոր ստուերից:

Փաւստոսի հերոսների քաջագործութիւնները Սորենացին վերագրում է ուրիշներին՝ Առաւանեան, Ամատունի եւ կամ Բագրատունի անբից: Հայ մտքի խոշոր մեծութիւնը՝ Սորենացին այսքան յաշաղկոտ է եւ նեղսիրտ, այսքան կուսակցական: Թւում է որ շատ դառնացած է եղել իրեն ժամանակուսան Մամիկոնեան աղմուկներից:

Դժուար է ուրանալ Մամիկոնեանների կարմիր հետքը մեր պատմութեան մէջ: Եթէ ներելի է համեմատել հասարակական մարմինը անհատի հետ, Մամիկոնեան տոհմը Սորենա-